

乾隆大藏經



乾隆大藏經



第一八册 大乘經 涅槃部 (二)

- 佛說方等般泥洹經 二卷
 大悲經 五卷
 大般涅槃經 三卷
 佛說方等泥洹經 二卷
 大般泥洹經 六卷
 四童子三昧經 三卷
 佛垂般涅槃略說教誡經 一卷
 亦名：佛遺教經
 佛臨涅槃記法住經 一卷
 佛滅度後棺斂葬送經 一卷
 般泥洹後灌臘經 一卷

- 西晉三藏法師竺法護譯……………一
 高齊天竺三藏那連提黎耶舍共法智譯……………四九
 東晉沙門釋法顯譯……………一三三
 失譯人名附東晉錄……………一八一
 東晉沙門法顯共天竺沙門覺賢譯……………二二五
 隋天竺三藏法師闍那崛多譯……………三六一
 姚秦三藏法師鳩摩羅什譯……………四〇九
 唐三藏法師玄奘奉詔譯……………四一七
 失譯人名今附西晉錄……………四二三
 西晉三藏法師竺法護譯……………四二九

大乘經 五大部 (一)

金光明最勝王經 一〇卷

金光明經 四卷

等集衆德三昧經 三卷

集一切福德三昧經 三卷

合部金光明經 八卷 亦名：金光明經

入定不定印經 一卷

不必定入定入印經 一卷

無量義經 一卷

妙法蓮華經 七卷

法華三昧經 一卷

薩曇芬陀利經 一卷

妙法蓮華經觀世音菩薩普門品經 一卷

正法華經 一〇卷

唐三藏法師義淨奉制譯……………四三三

北涼三藏法師曇無讖譯……………五八三

西晉三藏法師竺法護譯……………六四五

姚秦三藏法師鳩摩羅什譯……………六九三

隋大興善寺沙門寶貴對天竺三藏志德合入……………七四一

唐三藏法師義淨奉制譯……………八五七

元魏婆羅門瞿曇般若流支譯……………八七五

蕭齊天竺沙門曇摩伽陀耶舍譯……………八九七

姚秦三藏法師鳩摩羅什奉詔譯……………九一七

宋涼州沙門釋智嚴譯……………一〇七一

僧祐錄云安公失譯人名附西晉錄……………一〇八五

姚秦三藏法師鳩摩羅什譯長行……………一〇九一

隋北天竺沙門闍那笈多譯重頌……………一〇九九

西晉三藏竺法護譯……………一〇九九



佛說方等般泥洹經

西晉三藏法師竺法護譯



清刻龍藏佛說法變相圖

佛說方等般泥洹經卷上

西晉三藏法師竺法護譯

哀泣品第一

聞如是一時佛遊鳩夷那竭國雙樹間力士
 所生處時佛欲般泥洹告賢者阿難言多陀
 竭出於世間般泥洹時本瑞云何如今日寧
 見聞叢樹間感應不乎答吾所問爾時阿難
 以偈答佛言

願聽我所夢	其色近可怪	憶夜之所見
心竊爲危懼	夢此閻浮提	有樹生甚奇
七寶雜枝成	華實常豐茂	覆蓋佛世界
其陰清且涼	開發踊躍意	滅除衆憂病
上行高無極	姿好亦無數	見者眼清淨
聞者耳徹聽	樹出無量音	清淨之法音
具足空寂滅	則令一切安	其樹奮大光

徧照東方刹 其數如恒沙 諸佛之國土
 亦照於十方 蠕動荷救護 一切蒙光者
 安隱難思議 樹出衆名香 器有百種分
 其有聞香者 終不歸惡道 地獄以畜生
 及在餓鬼路 於彼聞是香 疾得生善處
 大樹德如是 苞潤衆生類 忽然於樹間
 没于力士地 於時無數千 羣萌不可計
 悲泣悉哀慕 如盲失其目 不復聽其聲
 亦不見樹形 又不聞其香 虛劣若飢人
 恐懼衣毛豎 畏怖情使然 於夜夢如是
 願尊爲解說

爾時淨居天子釋梵四天王魔子導師各與
 八十那術之衆俱到力士所生處叢樹間前
 詣佛所稽首作禮却住一面同時舉聲爲賢
 者阿難說偈言

尊天今滅度 阿難豈知耶 嗚呼感戀毒
 佛將般泥洹 大燈翳無明 佛今欲滅度
 世尊般泥洹 違遠於擁護
 於是佛爲諸天子釋梵四天王魔子導師說
 偈言

汝等勿愁憂 所夢無有異 我於雙樹間
 今當般泥洹 樹中之最樹 琦妙難可量
 光香甚殷盛 没於叢樹下 世尊譬大樹
 復在叢樹中 寢處無有識 如火得水消
 萬物皆無常 法起當有滅 世雄之所了
 是故爲人說 阿難知之乎 佛尊猶泥洹
 造迦利比丘 智通度彼岸 阿難汝今往
 告勅釋須檀 尊者阿那律 徹視度無極
 阿難行告語 拘締迦旃延 分糝文陀弗
 菩提及摩夷 須菩提面王 善來覺薄拘

難陀羅雲停 度知際馬師 一切諸比丘
來度恐畏者 疾去悉告語 令我泥洹曰
爾時阿難以偈答世尊言

我身已疲極 譬如飢羸人 聞佛泥洹故
愁慘不自勝 其身無有力 口亦不能言
志意加怯劣 世眼云何行 不任告尊者
今世不可念 適見便不現 永失於擁護
無護甚勤苦 何忍任徃告 尊者聞此問
安能堪惶懼 世間大光明 滅盡爲甚疾
棄世亦何速 厄難遂盲冥 不任詣長老
陳此酸毒事 正覺願更遣 無有愁感者
於是佛爲阿難說偈言
阿難巨億大 啼泣感悲哀 官殿難檀廬
空虛無人天 宣告諸比丘 侍者之常業
泥洹曰後來者 得無益哀結

爾時賢者阿那律於須彌山頂爲忉利諸天
廣講法語見諸大尊神妙天子各從宮殿遑
遑不安阿那律心念言此諸天子何故棄捨
天妓之娛擾擾上下或飛或走眷屬離散其
虛空處忽不復現時阿那律從須彌頂遙見
寶積山下之地於是阿那律立須彌頂舉聲
以偈讚歎佛言

導利於羣黎 施世之安隱 正覺爲衆祐
云何便泥洹

嗚呼世尊喻父母 爲世之眼除諸冥
爲世良醫療衆病 今世尊雄便泥洹曰
見媯怒人好放逸 覺悟愚癡斷生死
爲法尊上傷慳貪 令離瞋諍立大道
天中天尊右金臂 杖拭一切授正戒
佛動是國六震地 周徧世界聞大音

如大石山一旦崩 其音宣廣聞者悻

世雄如是今泥曰 音暢遐方聞摧悻

魔兵與惡若干變 金剛器械不可數

有戴大山或持火 世雄威光毛不動

降伏怒害魔官屬 得甘露跡無憂懼

便轉法輪解四諦 今日尊雄便泥曰

世尊見化無數種 三千世界如一毛

能令衆生無毀害 今日尊雄便泥曰

今天中天爲來入 至于力士所生地

五百眷屬圍遶佛 於雙樹間便泥曰

佛天中天百世來 奉行四禪開度人

所修行道闡甘露 我最後見佛泥曰

所遊往來無生死 其惠布施無悔恨

其奉正戒無諛諂 我最後見佛泥曰

於億劫中那術數 所爲精進無過者

忍辱無量譬若地 我今後見佛泥曰

佛天中尊所生處 供養諸覺億那術

致甘露跡志惟壹 我今後見佛泥曰

佛天中尊所生處 智慧第一了三達

十方世雄無罣礙 今我後見佛泥曰

大力有十等一切 勇無與等立金剛

求比難比無殊者 我今後見佛泥曰

十力世雄相嚴身 所周旋處光巍巍

進止所歷如金椽 我今後見佛泥曰

化億那術立道證 消盡諸欲無塵垢

濟人生死燒勤苦 我今後見佛泥曰

天億那術立虛空 兩種種色拘文華

兩雜名香天芬熏 我今後見佛泥曰

佛人中尊行住立 若入都邑蹈門闡

盲者得眼覩諸色 我今後見佛泥曰

佛人中尊蹈門時 病者得愈懷喜踊

一切安隱脫勤苦 我今後見佛泥曰

佛入城時拘閤解 長得安隱自歡娛

愁苦休除慧最上 我今後見佛泥曰

身不知老無死憂 已脫眾礙智無雙

爲人泰祖無過佛 我今後見佛泥曰

十力世尊上忉利 度母摩耶立妙道

化那術天不可計 我今後見佛泥曰

第七梵天住眾疑 佛裂其網授道真

彼王自投來稽首 我今後見佛泥曰

有兇暴賊罪力強 降立害者甘露道

納那術人無央數 我今後見佛泥曰

調達懷毒兇恚盛 驅作醉象力難當

佛於大城令調伏 我今後見佛泥曰

佛於眾會法導人 能動天地震山陵

大海波蕩水居擾 我今後見佛泥曰

是時阿那律說此偈已應時佛放威神令閻

浮提所在比丘除大迦葉眷屬餘盡來會三

千大千世界諸天龍神犍沓怒阿須倫迦留

羅真陀羅摩睺勒眾等共到力士生地詣佛

所稽首作禮皆大啼哭舉聲呼佛思慕崩絕

如喪父母各各相牽共悲泣者還顧相視共

淚出者或手相搏拍臚拍頭或閉目閉目諸

根變異面貌憔悴肌色面皺或有却行右膝

著地呼嗟拄眼涕泣交橫悲哀歎佛皆言毒

痛嗚呼世雄嗚呼大醫嗚呼師子嗚呼法王

嗚呼日月王嗚呼覺正覺嗚呼大光明施甘

露無量跡如是號咷或有自撲而躪地者或

有覆面拍地者爾時阿難從坐起下互跏累

膝兩手據地仰向視佛而說偈言

見人衆號慕	皆與悲毒俱	各各號哭哀
益令我酸毒	譬如賈客行	中道逢劇賊
逢見大火光	若草懼焦然	因見熾火故
其心爲恐惶	意以懷悚慄	拜天從求哀
我情勤無極	憂鬱焉可勝	又見承度人
悲叫舉兩臂	惟慮去來事	願佛住一劫
今日何忍見	尊人般泥洹	我常行求佛
不見天中天	祇洹用丘空	但覩於餘人
若入維耶離	豪右問訊佛	無上尊所生
我當云何答	無央數千人	泣涕淚流面
無上釋師子	仁今使安在	諸人哀哭催
無不思見佛	云何入大城	違遠人中尊
當立於誰後	當與誰持鉢	爲誰掌衣被
誰當親勸我	誰當爲我說	聞持是何謂
誰解我疑言	阿難知如海	從誰聞正法

深奧難解句 我等從何受 無量興妙法
爾時佛告阿難汝爲如來於雙樹間敷師子
牀所以者何多羅竭於夜半時乃般泥洹與
本願合故也於是阿難啼從座起於力士地
雙樹下敷師子牀今北首敷已說此偈言
今爲大神通 最後敷此牀 終始不能得
復安清淨坐 我當何忍人 於是嚴樹間
光明今滅度 遠離於至尊
於是阿那律爲阿難說偈言
佛從本已說 萬物盡無常 獨不得自在
於是阿那律
爾時阿難以偈答阿那律言
云何說是談 仁便答我意 見尊般泥洹
仁豈無憂耶
於是阿那律以偈答阿難言

我見人哀危 動與憂惱俱 我淚流滿目
悲涕潺橫流 我亦察天人 以天眼涕泣
我亦用是故 悲叫增悵毒 不用啼哭故
便可有所得 是故勉喻人 莫啼亦勿愁
四童子現生品第二

爾時世尊從座起入雙樹間於師子牀上右
脅倚卧卧已應時東方去此百億萬佛國有
佛號師子響作如來今現在說法其世界名
解脫華佛告阿難彼之世界何故名曰解脫
華乎常以七寶華遍布滿地無有空缺其華
柔軟色甚鮮好出一切香有七寶樹以寶合
成有栴檀樹以諸栴檀共相裝校其色妙絕
種種無數有樹常出妓樂之音音節和雅無
量調合有樹常出七寶之器種種具足有樹
常出衆寶瓔珞無量之飾其國土有無數寶

園以衆七寶轉雜相成如天所有所止宮殿
以諸如意摩尼天珠紫磨黃金校鏤相成譬
如第六天上所居宮殿其菩薩大士生彼佛
國者皆離世會專尚法講神通大聖度於無
極得諸佛法高明之慧所問能答及離世間
所語所念常志法事以善方便現於內明遠
諸諛諂得法會離諸想得智慧度無極度彼
岸已具足學善權方便常供事諸佛離於世
語但說不退轉菩薩法事是諸菩薩不樂餘
話但議菩薩陀隣尼金剛行法三品清淨諸
佛功德力無所畏是故彼界名解脫華彼有
菩薩名善思義忽遷神命生閻浮提羅閱祇
國爲王阿闍世作子適生即便結跏趺坐而
說偈言

吾今所以從 師子響來 欲見釋師子

正覺為在不

於是有他天為童子說此偈言

今日人中尊

釋師子垂衣

當於雙樹間

寂然定泥曰

爾時童子以偈答天言

吾從東方來

經百億萬利

至於釋師子

欲聽聞上法

今日人中尊

當寂取泥曰

至此吾有緣

不以無緣到

今日吾來至

佛當般泥曰

天上及世間

尚憂何況我

發意頃不住

即欲往見佛

吾來至於此

有益不唐舉

佛興難可值

故啓大王言

莫得為放逸

當詣多陀竭

億百千劫中

時有一佛起

於德化當知

無枉衆庶民

今日於大王

諫寤國之尊

放意從欲故

云何絕父命

習近惡知識

調達則大賊

王從彼受教

斷絕父之命

起於吾我想

癡欲造逆害

王父為法行

則佛之子孫

王已得其罪

為犯於逆事

以故墮沉冥

阿鼻摩地獄

喜意淨信佛

便當得解脫

然後為人尊

即可得正覺

佛般泥曰已

正覺難復見

但能得供養

於無我舍利

吾不以欲故

來到於此國

大王見忍從

我欲往見佛

今日夜半時

世尊當泥曰

吾從師子響

聞佛說如是

我欲見佛故

故至此忍界

敬謝中外親

諸家且自安

我當往覲佛

神通生死盡

欲見佛者俱

前侍尊泥曰

於是王阿闍世以偈告子言

子汝且忍於是夜

我當求勇并力往

力士之土去此遠

不可便以車乘至

爾時童子以偈答父王阿闍世言

我精進力甚衆多 發意之頃便能來
是夜能越無數劫 我不懈怠如大王

我今日夜所從來 亦不可計甚長遠

超越中間無數國 力士之處何足言

爾時童子從座下步行出羅閱祇大城便說

偈言

其欲生天離地獄 欲得名聞爲尊雄

可疾隨我後從來 當前詣佛最泥曰

童子適出羅閱祇大城說此偈已應時城中

二萬人無數億天龍鬼神健脊愁阿須倫迦

留羅眞陀羅摩睺勒來會於是與若干之衆

圍遶共到力士生地雙樹間至佛所爾時佛

於師子牀上右脅倚卧時南方去此五十萬

佛國有佛號寶積示現如來今現在說法其

世界名寶種彼有菩薩名曰喜信淨忽遷神

命生閻浮提舍衛大城爲師子長者作子適

生即便結跏趺坐說此偈言

所以手足施 及用耳與鼻 至于億世中

忍以頭爲惠 勇惠施無懼 妻婦及男女

欲度一切故 釋尊豈在不 所以億劫中

肌肉施於人 欲度衆生故 世眼爲在不

於是師子長者即恐懼衣毛爲豎以偈問子

言

爲天捷脊愁 鬼神眞陀羅 嬰孩能讚歎

辯才說妙言 中外皆怪怖 小大馳四散

吾用聞佛聲 是故獨不去

爾時童子以偈答父言

我爲天亦龍 亦鬼眞陀羅 我爲天中天

亦爲人長者

於是師子長者以偈問子言

用聞是語故 子益令我疑 所歎乃如是

使我增恐懼 云何爲天龍 何鬼捷沓愁

何謂天中天 何謂子爲人

爾時童子以偈答父言

南方有佛名 寶積如來尊 我從彼利來

今至此佛國 怒害我爲釋 爲六天亦然

若苦則爲梵 亦作轉輪王 於彼咸龍像

爲神至於此 鬼色捷沓愁 長者當了是

我當爲一切 哀傷設擁護 致得天人尊

覺則爲上度 我所化亦久 從劫至億劫

終無有盡時 長者我欲去

童子白父言寶積示現如來所說當學不當

習諸入之事所修當念行廣大之業菩薩有

二法行疾得阿惟越致無上正真道何等爲

三一者種種深覺二者入無數意三者念要
句三昧是爲三法行菩薩疾得阿惟越致無
上正真道於時師子長者告子言我未知是
處童子以偈現說其處

深慧難曉亦難了 世間皆疑於是句

一切了知是義者 惟獨有佛多陀竭

佛所解句無瑕疵 已有無想爲上智

其無思念清淨道 不行想行是謂智

無央數意無有意 心之所入志寂定

無所入者是謂意 此意則爲見一切

金剛三昧得上覺 於是之句無入句

我立於信妙金剛 此之句跡謂上要

彼斷要者不爲信 佛讚信法爲持最

是一切法爲如空 習行三昧得爲佛

一切所知無有智 一切所行無有行

一切所學無有學 一切所說無有說

深入慧者無法想 入於寂定無寂想

雖成覺道無覺想 度脫人民無人想

是之勇猛離見網 皆覺了究深道事

入於一切生死海 度脫群萌諸起滅

於是童子說此偈已師子長者及二百人具

足發無上正真道意應時得不起法忍八億

天發無上正真道意即立不退轉地成無上

正真道四那術人遠塵離垢得諸法眼淨爾

時童子便說偈言

吾不徒爾來 有勸釋尊教 度脫無億數

令發佛道意 於釋師子法 懷來宣善義

立人於忍地 無得不退轉 我立父兄弟

諸家於佛道 八億諸天人 皆命志大乘

我為一切人 除其貧窶行 我為得法利

難計難思議

爾時童子說此偈已與父母及百千億人無

數億天龍鬼神捷沓愁阿須倫迦留羅真陀

羅摩睺勒眷屬圍遶往到力士生地詣於佛

所是時佛於師子牀上右脅倚卧時西方去

此八十億萬佛國有佛號妙樂如來今現在

說法其世界名樂園彼有菩薩名曰空無忽

遷神命生閻浮提於波羅柰城為須福長者

作子適生便結跏趺坐說此偈言

法本為空無 欲有則為著 不得脫勤苦

常立於煩惱 法為不可得 是謂為定止

亦盡亦無盡 彼為悉無有 空者不知習

亦不無有習 彼若無因緣 何從有所緣

彼所可說法 深寂亦難解 釋師子人尊

正覺為在不 大師子震吼 梵音無起滅

今日於樹間 光日沒不現 佛於衆僧中
譬如月盛滿 諸人不復見 世雄說法時
佛於衆僧中 如踞須彌頂 世尊不復樂
出入於城中 爲天世吼導 說空無我法
一切不復得 聞服大音聲 離吾無有我
讚唱於空法 今世尊泥曰 寢疾於樹間
爾時童子說此偈已 應時波羅柰大城中十
萬人同時舉聲俱讚歎言 未曾有也 此幼童
子乃能有是深智慧 慧入智慧光明智
慧清淨智慧高明 說上妙偈生而速忍 響慧
權慧其處難及 所未嘗有其身未長乃有大
力 譬如目見如來 正覺願令我等智慧如是
童子曰 仁等真願是智慧 當願如佛之智慧
微妙無合會 寂無與等者 離諸所有 高明無
損致諸行法 一切善本 一切諸佛力 無所畏

立於大慈大哀 仁等當願得此智慧 我今與
仁當共發無上正真道意 應時大衆俱發無
上正真道意 尋爲說法 皆立不退轉成無上
正真道 仁等已發大道意 便可共往見如來
無所著等 正覺於是童子與父母及十萬人
無數億天龍鬼神 捷沓怛阿須倫 迦留羅真
陀羅摩 摩勒眷屬 圍遶到力士生地 詣佛所
是時佛於師子牀上 右脅倚卧 時北方去此
六十四萬億佛國 有佛號覺跡如來 今現在
說法 其世界名華跡 彼界及樹華實 晝夜常
出覺華行之音 諸天龍鬼神 捷沓怛阿須倫
迦留羅真陀羅摩 摩勒其間音者 皆立覺跡
之道 行彼如來有是德 其有人見覺跡行光
明者 皆得不退轉 無上正真道 彼如來本願
之所致 佛語阿難 覺跡如來華跡 世界無求